

禹會塗山

浙音釋字琴譜：（明弘治四年前即 1491 年前）

第一段 奮身胥溺

夏后氏文命，禹嗣舜帝禪位，而爲天下所舉。奮身胥溺，濬川治水，疏三江而通九河，胼手胝足而無已已。鑿龍門，排伊關，行所以通吾民之所用，懋遷有無，足民食安那民居，降丘而宅土。看他那孔脩六府，彝倫攸斁，任士作貢，下上之奉，因田而那制賦。不矜伐，會同四海之風聲，以聲爲律，以身也爲度，左準繩而右規矩。九功惟敘，大舜馭天之薦於天，龍飛你那九五。

第二段 壽春佳會

授以天，即位三年，美仁遂民賢其賢。謙以那自牧，仁以愛人，美哉也，而以愛物那爲先。猶戒之勸之謹之也，俾民物壤無有終窮焉。後世詠風水也，詳觀洛河，見舞你那大廈，仰思禹績綿綿。

第三段 衣冠濟濟

五服五章，弼成聖人那之所制，儼然冠服文明世。充耳青黃華飾，美色相那宜，其所以天下一人，係當斯世賢良相際遇。世道兩相忘，君臣禮，天地父子而不雷，朝聘而會同，你看序列鸞班的那衣冠而濟濟。

第四段 玉帛鏘鏘

執玉執帛執玉帛，貢臨五玉諸侯國，附庸國貢來玉帛。肅然佩玉鳴珂，工臣俱絳幘。九衢香霧，拜天顏而咫尺，君義也看臣心而傾赤，而傾赤赤。見柳拂旌旗，花迎那劍珮，雨露天錫。正星朝，雞人鳴紫陌，貢球琳，歸化而南北。和陽春鳳凰池客。

第五段 虞唐承感

姒姓夏后氏，紹繼唐虞世，明盛治。思陶唐，童謠立我烝民，辭那莫匪爾極，不識不知治知治，有虞氏，格姦烝義的那成居成邑成都市。河濱不苦窳，八元八愷才人舉，阜財解慍，五絃琴調，聽歌他那南來風薰兮。

第六段 熙皞加風

孝悌忠信也尊崇，詩書禮樂也樂雍容，熙皞熙皞兮也總同風。君臣際會塗山，良會遭逢。君道盡義，臣道盡忠，喜祝那華封，天祿的那永終。竭力他那而勞萬民生寄也，仁愛無窮。

第七段 禮尊南面

禮尊南面寵大褒，塗山良會，應得預時髦。德配天地大禹的那大功勞，并乎日月之高。聰明睿智臨，足以察秋毫，發強剛毅執，足以三略六韜。

第八段 慶會君臣

君與臣而相逢，雲龍風虎那兩相從，塗山夏禹來英雄。諸侯附庸，君臣慶會的那恩重封，享安逸，明良相遇，臣職而盡忠。皐夔稷契，今千載而同風，商周伊呂而同風。

第九段 類聚羣分

竭力而勞民，看類聚羣分。道盡人君，洪纖高下，一視同仁。蟋蟀秋吟秋吟，蜉蝣出陰理綸，君道何如人，縑絲補袞，臣道何如人，帝禹而爲君。受命於天的那福祿從天申，際遇人臣，會塗山出狩南巡，尊禮命而尊神。校庠序，明人倫，子丑而建乎寅，忠質之異而尙文，松柏栗而殊分，大本而相因。

第十段 一息萬機

朝退一息而萬機，人臣罷奏南歸，人君罷聽南離，罷聽南離。響玉珮珊珊，車馬駢聞，聽武文風響而南旋。擁出那天關天廷，暫離你那天顏。

第十一段 乾坤定位

乾定，坤定，君定，臣定，的那乾坤位定。乾道九五爲君位，利見九五之人臣位定，坤道九五也爲臣位，利見九五之人君位定，君臣相慶，君臣慶。

第十二段 日月光華

日月也麗天，光華普遍，今古無偏。那聽卑臨下，四時發生也，萬物洞涵機見。大禹有大焉，詠新詞，儼然見當時面。